

ReLOaD2: Projekat "Ne vožnji pod dejstvom alkohola i narkotika"

U proteklom periodu, Udruženje "BABY STEPS" intenzivno je radilo na provedbi projekta "Ne vožnji pod dejstvom alkohola i narkotika". U sklopu navedenog projekta, Udruženje je održalo 21 radionicu u srednjim školama na području Općine Novo Sarajevo: Elektrotehničkoj školi za energetiku, Srednjoj ekonomskoj školi, Srednjoj školi za okoliš i drveni dizajn, Željezničkom školskom centru i Srednjoj školi za saobraćaj i komunikacije.

Više od 440 učenika je učestvovalo na radionicama i imalo priliku da isproba naočale za simulaciju uticaja alkohola i narkotika na vid. Na taj način, učenici su, osim teoretskog upoznavanja sa uticajem alkohola i narkotika i posljedicama saobraćajnih nesreća uzrokovanih vožnjom pod dejstvom alkohola i narkotika, imali priliku da putem simulacije naočalama, iskuse smanjenu opreznost, usporene reakcije, zbunjenost i druge efekte koji se javljaju pod njihovim uticajem. Iskustvo je bilo poučno, ali i zabavno, te smo zajedno naučili kako pod dejstvom alkohola i narkotika nismo sposobni za najjednostavnije aktivnosti kao što je hodanje po ravnoj liniji ili hvatanje loptice, a kamoli za vožnju. Ovakve edukacije su ključne za podizanje svijesti mladih o opasnostima vožnje pod dejstvom alkohola i narkotika.

U nastavku projekta, u četvrtak 27.06.2024. godine na Vilsonovom šetalištu organizovan je i događaj na otvorenom gdje su i građani imali priliku da isprobaju naočale i lično se kroz simulaciju uvjere da uz korištenje naočala ne možemo hodati po ravnoj liniji, percipirati ispravno lokaciju predmeta, kasno reagujemo, a kako bismo tek vozili u takvom stanju i sa takvim poremećajem vida? Ne smijemo zaboraviti da je uticaj na vid koji simuliraju naočale samo jedan od uticaja alkohola i narkotika na organizam čovjeka. Osjećaj lažne sigurnosti koji ohrabruje osobu da sjedne za volan u takvom stanju je velika opasnost.

Prevenција je ključ smanjenja stradanja u saobraćaju, a ovakve aktivnosti direktno doprinose povećanju sigurnosti svih naših sugrađana.

Projekat "Ne vožnji pod dejstvom alkohola i narkotika" se provodi u okviru Regionalnog programa lokalne demokratije na Zapadnom Balkanu 2 - ReLOaD2, kojeg finansira Europska unija u Bosni i Hercegovini, a implementira UNDP uz podršku Općine Novo Sarajevo.